

序

英建國於虞夏間蟬嫣以迄周季
秦漢而後隸屬郡國方幅華離莫
可得而紀也縣之制成於明志之
修肇於清時代飈速戶口增至十
倍共和紀元政體改革疆理仍舊



英山縣志

卷之首 新序

一

而圖籍缺畧締造民治諸待進行
政府徵求方志以資攷鏡英志自
同治續編以後垂五十年其中經
過事實積牘無存劉侯默淵慨然
引為己任丁巳之春函集耆宿昕
夕商榷刊著條例捐資以倡邑人

士羣力競舉分途籌畫標類採輯
循網引目編成巨帙將以春間赴
省鉛印會劉侯調任而縣城驟遭
匪擾公私帑藏搜索一空局地騰
駐兵防鉛槧勢難兼顧爰召梓人
就近排印不刪前志以示樸不剔

英山縣志

卷之首 新序

二

新稿以紀實不立生傳以昭例惟
是雄文鉅製篇幅所限一時不及
甄錄而兵事獨聯翩加入殊為憾
事知者鑒其情而加諒焉則不佞
之所深冀也
歲在

中華民國九年十二月十二日

英山縣志局同人公紀

英山縣志

卷之首 新序

三

六修英山縣志叙

歲戊午 捧檄知英山縣以夏四月受事值匪氛甫靖之後警
惕不遑懲前毖後修廢舉墜邑人士時正續修志書分門授簡
私心竊喜以為志者記也惟記其事乃知其治英介靳黃六蓼
之間民氣淳樸土風厚善士大莫夫不說禮敦詩尊賢樂道渾
渾噩噩有三代遺風雖閭巷婦孺皆知孝弟忠信禮義廉恥之
為美而以身力行之物惟菽粟布帛之類為民生日用所必需
他如山川之險夷貢賦之多寡人物之盛衰禮俗之因革建置
之新舊 以軟籍密邇此邦平日所得聞於遺老者率皆耳熟
能詳今獲躬親其地守土蒞民益思所以徵文考獻述往開來

英山縣志

卷之首 新序

一

悉于邑志是賴曷可視為緩圖惟是古今郡縣各志其相沿之
弊非失之夸飾即失之攀附一夸飾而人物古蹟輾轉遷就一
攀附而庸俗之詩文瑣屑之事跡聯綴以登非所以垂不朽也
斯志也邑中文學之士其搜羅廣其體例嚴繁者刪之遺者補
之亥豕者正之為綱十四為目數十一事之義推求再三一稿
之成或四五易越庚申冬告成昭明政治激揚風化其在斯乎
抑今之英山非昔之英山也宋元以前英山與羅田合治自明
世以英屬皖幅員既長楚尾吳頭扁鍵入皖尤當詳於攻守利
害以供當軸之採擇而維一方之治安况共和肇造以後潮流
遷變月異而歲不同巖疆下邑全省上游按籍而稽厥道何從

諸君子斯志之成乃能使生長斯土者受而讀之若辨黑白若數一二油然而生愛鄉之心錄亦與邑人動容相慶駭其昔所未聞者之忽睹今所將泯者之復明也於是乎序
中華民國九年十一月前清甲午科舉人五等金質單鶴章署理英山縣知事靳水徐 錦撰

六修英山縣志叙

周禮小史掌邦國之志外史掌四方之志是國史亦稱志方志卽史之先河也英山爲虞士師漢藩王故封尤彰彰可攷者三國六朝矜喉控制江淮表裏潛霍幘幪蓋嶽瀆之雄鎮也英之有志舊矣南豐劉公鎬起而新之延訪耆舊禮聘文儒開局於邑城未幾他調而纂輯之事未竣也丁巳秋芬承乏斯土益兢兢焉懼鉅典之難卒成案牘餘曷與耆舊文儒昕夕商榷區地理建置賦役學校兵防外交交通實業秩官選舉人物列女藝文雜類等爲十四門其中因革損益一準乎時與地凡有關於舊道德新學術者皆網羅蒐集闡發而揚摧之俾家庭學校社

會諸教育咸知所取法焉而仙釋祥異之紀仍存之藉供學者之研究以原其理而祛其蔽奈瓜代有期不克蒞其事靳水徐公錦繼任踵而成之誠盛舉也今都人士不以謏陋而遺之囑一言弁諸簡端芬自媿不文得與於著作之林抑亦幸矣
民國九年十一月前英山縣知事廬陵李樹芬謹撰

重修英山縣志序

清同治庚午 英山縣徐玉珂

邑之有志猶國之有史也體雖有異理無不同史以時代為斷而因事傳人權屬褒貶志以封守為綱而因人傳事道在闡揚自漢史始詳地理志而後世郡邑代有掌故蓋光前所以裕後鑒古可以證今載乘煌煌其關係一方之治理者匪淺鮮也英山縣志道光乙巳年李珠浦先生續修後迄今二十有五年矣當其時規模已具更增補而輯修之故百廢俱興燦然為大備焉迨咸豐癸丑歲髮逆竄英境內蹂躪無完土不分玉石盡付劫灰而志書藏板遂亦蕩然無存今年春余來宰是邦下車後採風問俗正慮考鏡之無資而一時難期報最適各大憲勤求

英山縣志

卷之首

治績重修省志飭各府州縣以志獻余捧檄之下披檢舊志雖吉光片羽尚在人間而時異勢殊終多散佚因延紳士開局纂修遠紹旁搜徵文考獻務使幽光潛德孔昭不遺余於治官書暇亦悉心釐訂參酌其間幸賴眾擎越數月而成帙以供大憲採擇彙入通志然事關考成者固宜先而事係垂久者尤難緩况省志告成而後大畧已有端倪嗣此而接修縣志其致力當較易也乃復與諸紳士謀之羣慨然有進修之志爰仍舊貫聿擴宏圖既網羅夫前聞更蒐求夫未備凡有裨於風化人心者罔不自張而綱舉固於省志為益詳矣若夫殉難之忠臣孝子義士節婦較昔不啻倍蓰悉載入編並請旌卹庶流芳千古不

致湮沒無聞焉其門類現遵省志條理與舊志畧有變更他日

翰軒有採以成一代之信史其亦黼黻昇平潤色鴻業之一端乎余既幸諸君子之相與有成俾此書之無美勿彰者可以永垂不朽而尤願邑之人士益敦孝弟共興仁讓駸駸乎日躋聖敬代起偉人為志乘光即為邦家光也因不揣謏陋而為之序

重修英山縣志序

清同治庚午

署英山縣徐德虞

古稱修史者有三長才學識缺一不可然吾謂傳信為尤難今州縣之志猶古列國之史也自星野川原以至人物風土悉著簡編考古以証今闕疑而傳信不獨一邑之事實藉以不泯而蒞斯土者於以知山川之險易制度之沿革民風物產之淳漓

英山縣志

卷之首

盛衰則為治之道亦隱厲其中焉今者大江南北風鶴初平大憲設局省垣飭各州縣續修邑乘采輯遺聞將以彙入通志成一代之信史蓋萃千百人之心思徵數十邑之文獻總成鉅製無濫無遺始足以信今而傳後非率爾操觚者所能勝其任也英邑介蕪黃六霍之間僻壤山陬彈丸最爾非若通都大邑舟車輻輳有日新月盛之觀然其民安於畎畝其俗習於勤儉且其地萃峯巒靈秀所鍾間出畸人傑士而自兵燹後十餘年來人事變遷風俗移易其間忠孝節義之士敵愾同仇與夫烈夫貞婦舍生取義有待於發微而闡幽者不及今紀載歲月既久恐歸於湮沒無聞甚非信以傳信之道庚午孟冬余權篆斯邑

都人士旅見之際詢及邑乘則已衰然成書爰取而披覽之見其條分縷晰考核詳明不事鋪張務求徵實而於當時殉難諸人既皆耳聞目見尤能詳其顛末使潛德幽光流芳千載雖未知其才與古之修史者何如而就其識之所能及與其學之所已至以信今者傳於後則亦猶行古之道也余未遑謀始樂觀厥成竊幸考鏡有資既周知一邑之風俗而尤願諸君子各舉所知匡我不逮以躋斯民於康樂致治理於和平鼓吹休明增光邑乘是則余之所厚望也夫

重修英山縣志序

清同治庚午

英山王熙勳

歲戊辰余應裕大方伯書記之聘淹留皖省與賢士大夫相遇

英山縣志

卷之首

序

舊序

七

從同寓者爲明府晚菴先生建樹固不與俗吏伍旋接篆宛陵不相見者期歲先生循聲暴著己巳春量移英山余亦於是年冬司鐸是邑先生設施皆有益於民生悉數之不能終時吳大中丞檄修安徽省志以各縣志爲底本英自春秋見經齊桓攘楚以爲要圖聲名文物甲於淮南周官小史掌邦國之志外史掌四方之志左氏有周志有齊志有宋志有鄭志蓋卽後世郡國志所由助英山之有志創始於康熙甲子繼修於乾隆丙子續修於道光癸未復續修於道光丙午距今二十五年人事遞遷文獻已漸湮沒而自軍興以來忠臣孝子義夫節婦彪炳簡冊者不可勝書先生職任斯土責不容辭而西京明詔正人倫

而厚風俗美教化而厲節行皆廣厲學官令與鐸分任之余雖無史氏之三長亦稍識毫端之一孔先生總其大綱不鄙媿陋時爲將伯之呼余豈敢蟄戶自封不作他山之錯所尤幸者余與先生本以萍水之遭竟作膠漆之契是蓋天之陰爲作合俾相與以有成也八閱月全編遂竟故當慙慙製序以垂不朽至志字體例凡經數修蓋無遺義無俟贅述而先生治行將大有造於淮南非英山一邑所得私而余之頌禱更無涯涘矣

重修英山縣志序

清同治庚午

英山張慶圖

昔昌黎云莫爲之前雖美不彰莫爲之後雖盛不傳事固有前人爲之尤賴繼起者遠紹旁搜兼收博采使之燦然大備炳若

英山縣志

卷之首

序

舊序

七

日星庶幾綿綿延延以光前烈而昭來許也英之志創自康熙甲子越七十年而乾隆丙子一修之又七十年而道光癸未一修之嗣又續修於道光丙午美矣備矣前之作者無遺憾矣今距丙午續修之後歷年未久然兵燹之餘山河依舊景物殊非其廟宇城垣衙署倉庫不少更張且保衛地方同仇敵愾其間若忠義若節烈更不乏人都人士躬親其事目覩其形詳且切也不及是時筆之簡端後將欲考獻徵文無從取信我明府晚菴先生來守是邦目擊凋殘情殷振作尤念邑志爲風教所關未可因仍簡陋且奉上憲飭修各郡縣志以備省志采輯先生以余熟悉地方情與諸文人往來尤密稟留纂修商辦

文廟事宜余不敏敢不龜勉從事乃與先生妥議章程選聚邑紳開局纂修諸紳亦欣然樂從共襄盛舉爰舉前志而續修之上自星躔分野下及川原形勝與夫人文之彪炳物產之蕃滋靡不條分縷晰綱舉目張且精且嚴無遺無濫是役也先生總其成余復不揣謏陋日與諸紳殷殷商榷詳加考訂不數月而功成洵足以備采風昭掌故煌煌乎巨典也序以紀之後有作者其亦猶今之視昔也夫

續修英山縣志序 清道光乙巳

英山李文泉 富平知縣

縣有志與國有史相表裏是非褒貶悉寓焉非可漫云纂修也道光壬寅夏余任英搆求縣志甚艱難得一函翻閱知係癸未

英山縣志

卷之首 序

舊序

八

年萬彈峰先生補修迄今二十餘載其中間時事人物應增入志書者指不勝屈又查閱志版前一年被水冲多殘缺不全爰邀閩邑諸文人採訪續修特予短於才學識又淺薄兼荒於案牘力多有不暇及故託志館諸君子照舊志門類次第聊爲增修版缺者補之使後之採風問俗者免致嘆於考據之無憑記事之失實以作信史云爾謹冠俚言於首以明予心

續修英山縣志序 清道光乙巳

英山汪時育 古錄

凡事未有而始建者曰創事已有而續成者曰因人謂創爲難因爲易竊謂創固難因亦不易能創能因則尤難英邑自宋始置縣疆域屢經沿革至我朝迺分隸六安州其地無城垣復無

邑志康熙甲子劉邑侯羅綱舊聞創修志乘誠哉其難也越七十年乾隆丙子張邑侯重修又七十年道光癸未萬州司馬兼攝英篆補修訛者正之缺者補之未及載者紀之門分二十有四卷分二十有六較舊志尤精確是因之難無異於創之難也若能創能因而兼擅其難者則惟我明府珠浦先生矣先生於壬寅宰是邑每念英本蕞爾又當吳楚要衝無城垣爲捍蔽民曷以保於是首先捐廉借諸同官定議勸諭紳士商民助資建造慮事程功不遺餘力閱四載而克潰於成蓋創始若是之難也且謂近年政通人和百廢具興邑志爲政治風化所關今距萬司馬補修時已二十有二年倘延緩弗行增補後之徵文考

英山縣志

卷之首 序

舊序

九

獻者將於何取信復集邑中諸君子商榷輯修眾志欣然共襄盛舉彙取二十餘年人與事之宜載者條分縷晰補輯成書其詳異一門前志自乾隆戊申後略而弗紀茲特詳加增入尤見履盛思危之意從此都人士覽古知今謹身修行弭災變召天和未必不由乎此然非先生德政所感亦均能應如桴鼓使書之成且速如此此以知事雖爲因其用心亦周以密矣誰謂創者難而因者易乎信乎先年能創能因兼擅其難視劉張兩邑侯與萬司馬有足多者余秉鐸此邦竊幸得與其事而觀厥成也不揣謏陋聊附數語於簡端

續修英山縣志序 清道光乙巳

英山阮華林 合邑

英邑舊屬吾廬其後分隸六安自雍正十三年部議酌減廬州府學文童三名武童二名撥歸六安以故英世家舊族溯本尋源有謂其先人入學係屬府庠者戊戌夏余乘鐸蒞邑與英人士砥礪切磋於今年取邑乘讀之惜其經洪水後不無殘缺時明府李珠浦先生於修城之暇慨然有修輯之志而諸紳士踴躍從事共襄盛舉擇可遷就者因仍之舛錯者改正之闕畧者續補之爲門二十有四悉遵彈峯司馬之舊其新纂入者卽各附於每門之後若網在綱有條不紊蔚然稱善本焉其山川之靈秀風俗之淳良物產之豐饒人文之俊偉前人之述備矣奚俟余之縷縷者顧承諸君子之謙光請序於余余雖謏陋敢

英山縣志

卷之首

序

舊序

十一

以不文辭矧溯厥淵源誼聯桑梓乎爰簡質而爲之序

補修英山縣志序

清道光癸未

補司馬萬年純 華容

攝理英篆接閱邑乘歎其久而未修前後實事曠闕甚多去年屢奉上憲飭修各府州縣志以備省志之採擇因於公務餘暇謀於眾紳士萃慨然有修輯之志而英之地土瘠民貧不能大爲更張遂因仍舊貫悉心彌補可遷就者遷就之可轉合者轉合之擇其舛錯之盛者而訂正之如此而已書既成逐門細釋凡一切捐助創置之係於公與私者罔不舉凡一切秩官之係於民與士者罔不詳凡一切科名之係於鄉與會者罔不備凡一切忠義節烈之係於男與婦者罔不錄凡一切善事美舉

之係於地方風土人心者罔不悉送炯然易視而成一完書矣剗剗之日聊附片語於簡端抑以示創始者難爲功因仍者易爲力也云耳雖然工縫紉者願裁新衣不願聯舊衣善匠斲者願剗新屋不願葺舊屋謂其拘於邊幅限於尺寸截長補短穿心鬪角殘稔斷材俱收之而無遺其中大費經營焉不得謂因仍之易也然而相衣者不以爲邊幅之拘而反以爲裁剪之工相宅者不以爲尺寸之限而反以爲匠石之太拙則純之因仍舊貫而成此書又安知工拙何如也

補修縣志序

清道光癸未

英山陳

彥 歸安

邑之有志非徒紀山川景物之盛也采風問俗興利除害胥於

英山縣志

卷之首

序

舊序

十一

是乎在英邑志乘自乾隆丙子錢塘張君重修之後閱今近七十年域疆川原依然如舊而生齒之繁盛科名之繼起以及孝友貞節懿美可傳者正不乏人蓋我朝重熙累洽治化修明凡茲士庶被教養之澤者深矣方今各大憲勤求治理議重修省志飭諸郡縣以志獻州司馬萬彈峯先生負宏通淹雅之才今年春攝理英邑下車以後政通人和慨然於舊志之失修因謀之廣文王余兩君延集邑之紳士設局纂修簿書之暇相與討論搜羅正訛補缺文章經濟相補而行誠蔚乎可觀也於夏捧檄來英是書將次告竣取而讀之體例謹嚴稽核詳備較舊志尤爲完善洵足供蠶軒之采擇也竊思英邑僻處山陬民風

猶古彥承乏茲土媿無作吏才幸彈峯先生爲之先導諸惟率由舊章期無阻越尤願邑之人士益敦孝弟務勤儉崇禮讓俾比戶可封而科第亦聯翩日盛豈不休哉

補修縣志序 清道光癸未 前署趙 梅上海

邑之有志原所以考天文審地利驗民風也 梅居省垣時備聞撫憲議修皖省通志釐訂款式頒行州縣將蓄萃而加刪定斯蓋仰體聖天子履念黎元勤求上理之精心爲省方觀民之助爾癸未秋 梅攝篆斯春邑中纂修縣志已付梓人因取而觀之覺綱舉目張條分縷晰七十餘年之散佚一旦考獻徵文瞭如指掌職是任者前任萬彈峯司馬陳蓮舫明府王澹園馬星槎

英山縣志 卷之首 序 舊序 十一

余守之諸廣文暨邑中搢紳輩竭慮殫精共襄勝舉不數月而功告厥成佇見他日輪軒有采雖山陬僻壤而土純民樸有古遺風自足乘入通志 梅下車伊始都人士請序於余余雖不能文而觀風問俗固樂此邦之淳良兼幸是書之足供採擇也因不揣固陋而爲之序

補修縣志序 清道光癸未 英山王燮坊 懷甯

凡舉大事必乘時會時會之盛盛於人文我朝壽考作人多歷年所矣文運之隆周於海表英山邑雖蕞爾而文人繼起蔚爲國華甚盛事也癸未春初余來英司鐸是時州司馬萬彈峯先生攝行縣事上丁之日集邑中諸生羣祀

聖廟祀事甫畢曾倡以修葺學宮拆毀巽宮前之戲臺改建奎閣纂修縣志之說而諸生成首肯焉越數日余課諸生適值彈峯小試之會試士濟濟多得偉人爰勸捐輸舉行闕典邑中人士咸欣欣然同心協力相與圖成四月上澣率縉紳輩相其陰陽拆臺建閣修葺學宮經營伊始式廓丕基卽於是日聚晤與賢館立定章程量才酌用修補志乘固不得謂非時會之盛也繇是彈峰慷慨自任力主補修研精覃思旁搜遠覽殘缺者補失次者序魯魚亥豕訂正舛譌越數十宵旰而端緒已清於斯時也蓮舫陳文臺接署縣事彈峰欲交底稿而去余借諸生告蓮舫以彈峰主持修建之故環請上憲留修志乘俟至功竣回

英山縣志 卷之首 序 舊序 十二

任蓮舫喜之且允多士之請懇懇懇懇同余踵志館而屈留之志乘之修補於是乎備先是邑侯劉公榮修舊志於康熙甲子延及乾隆丙子七十餘年而張公續修之茲於道光癸未復集其成相距亦幾七十年天地菁華積久炳蔚雖曰人事豈非時會哉竊嘗嘆天地之生才爲非偶而英之多士時則有若出眾之才克謀厥始不羈之才克圖厥中濟世之才克成厥終羣才作合用能不負彈峯兼綜之心有孚蓮舫協濟之心心心相印胥以仰副乎聖天子雅化作人體國經野之心豈不偉歟余也忝居編修之列乘時會之盛羨人文之興喜同心之濟邑乘修明闕典具舉當不惟是折臺建閣修葺學宮樂與觀成己也是

爲序

補修縣志序

清道光癸未

英山馬映奎 通州

天下事廢興有由也廢之久毋缺而不全興之勃宜燦然而大備英山舊志垂今七十餘年矣前之作者原非故從簡省第相距時遠恒多闕畧况英地勢處山陬素稱膏壤其間峯巒之雄秀物產之豐饒風俗之純厚遠近咸稱樂土而且文人學士名卿巨公孝子順孫義夫節婦代不乏人將於此而不補修之不但積久而文獻無徵乎州司馬萬彈峯先生以湘南名宿作江左宰官今春攝篆英邑樂斯土之恬熙慨是書之殘缺因毅然以補修爲己任邑之紳士莫不踴躍從事而王淡園余守之兩

英山縣志

卷之首

序

舊序

十四

先生共贊其成未三月而已規模備具邑令蓮舫先生下車以來又復極力董勸於是付諸梓人俾有成書 海曲冬烘素無聞見著作之事尤不敢置議然於蒞任伊始取是書而觀之覺廣搜博訪考古證今視舊志更加完備於是嘆諸君子之相與有成而兼幸斯書之廢而後興者可以垂之久遠傳之無窮也是爲序

補修縣志序

清道光癸未

英山余道謙 晉山訓導

我皇上御極之二年壬午冬奉大憲檄諄諄以修志相勗爾時卽思致延者宿網羅舊聞折衷其是非而增益其所未備徵文考獻迄未成書蓋著述若是其難也亦越今正州司馬萬彈峯

先生兼理英篆博學宏材毅然以課農桑修學校爲己任刑清

訟簡治近古云琴餘之暇語及志事彼此揚推而閩邑紳士亦以重修縣志爲請夫志猶史也而例與史異史以時代爲斷而志則以封守爲綱史緣事以繫人而志則因人以繫事故史莫詳於志英介斬羅太霍之間崇山峻嶺縱橫二百餘里實爲吳楚關鍵先生甫下車檢閱邑志所以察地方之情形而訪其利病者至詳且悉舊志修自乾隆丙子距今已七十年計此七十年中科目之蟬聯人文之彪炳節義之宣著戶口之蕃滋準昔視今奚翅倍蓰自非采輯以釐訂之後將有莫名其先後相因之故者是誠不可以不志先生不憚心力午夜校讐有遺必增

英山縣志

卷之首

序

舊序

十五

無訛不正爲門二十有四爲卷二十有六條分縷晰綱舉目張蔚然稱爲善本工未竣適先生有東裝回任之行英紳士求所以留之者不可得商諸學舍請詣明府以達上司明府陳蓮舫先生以名進士作宰斯春與先生道相高志相合也率都人士賦白駒之三章而卷帙觀厥成矣先生稟洞庭之秀鍾衡嶽之靈茹古涵今士林縉紳中奉爲圭臬亦奚俟乎 言額 樸陋不文幸得操觚從事而與聞其略鼓舞奮興不能自己竊心美和衷共濟者之果確無難也他日輜軒有採外史小史有徵按其圖披其籍穆然想見其立心行事是編也其亦鼓吹休明垂世行遠之一端乎 將偕多士執簡以俟

英山縣志序 清乾隆丙子

六安直隸州 邵大業 析津

英居靳黃六蓼之間西屬楚東屬吳其地多崇山峻嶺四望鬱然其民人多負山而居藝土而食其舊家著姓恂恂禮讓無綺羅狗馬之好其來受壓者率負耒耜之人大約資其山之閒曠植木棉玉蘆之屬以贖其生非有舟車商賈輻湊其地以故耳目質實志欲愿謹不見異物而遷介吳楚之會而無吳楚儂薄浮靡之習余嘗按部其境見其鄉民洞洞屬屬有終身未識長吏者而士夫之家各集其族之明經上舍子矜之士以及外角之輩具公服偃偻道左恭而有禮周巡四封間庭鮮評訟之風里有室家之樂宜乎卧治之有餘矣而近者楚黃逆民馬朝柱

英山縣志

卷之首序

舊序

十一

等謀為不靖煽入於英英之人惑於禍福或巧各入籍事既洩幸荷聖朝祝網之仁矜憫無知自渠魁外咸與寬宥噫唯其地勢偏僻風俗樸魯是以昧於燭奸而易於受惑也夫為治之道貴養其所有餘而調劑其所不足英之樸魯當使之可久英之樸魯昧於燭奸而易於受惑者當使之警而知覺此非守土者之事歟乾隆甲戌西冷張君蒞茲邑慨然有良吏之用心既為之勵學校講法律搜緝遺孽以安善良矣既而念邑乘荒畧無以彰前而傳後集紳士旁搜博採遠考近稽不三月舉前志之缺者補之譌者正之哀然成書事核於今而文詳於昔誠盛舉也余受而讀之則凡英之山川土物之盛風俗人心之美以及

其所以因仍受弊之故咸釐然可觀張君誠探其本原而設施使英之人確然守其不雕不琢之素而又闢之於人道使其人曉然不惑不為邪說所動則蕃庶蔚起將有過於今志所載者俾靳黃六蓼之間巍然稱望縣焉豈不隆乎因其乞序而書此以弁其首職思其居余與張君共勉之矣是為序

英山縣志序 清乾隆丙子

英山張海 錢塘

考周官揮人小史之義郡縣皆得書其風土人物以備採風貢之天子匪獨潤色鴻業用為觀美蓋一方之文獻係焉而為治之因革損益補偏救弊之術即於是乎具故曰國奢示儉國儉示禮由此其選也我朝定鼎百有餘年輕徭薄賦禮陶樂淑各

英山縣志

卷之首序

舊序

十一

大憲勤宣德意惟日孜孜凡山陬海隅輻軒所至類無不能歌咏盛德發抒廣謨以彰文明之治况大江南北中華隩區蒞斯土者尤樂於乘時奏績共勳雅化乎先是乾隆己巳皇上將南巡江淮省方問俗時備員當塗敬修邑乘侍供磨覽及量移霍邱亦為檢閱舊志纂輯成書甲戌秋承乏茲土詢風考政周覽城邑問故府之程章則尤卷帖簡陋且漶漫不可識蓋英志修於康熙甲子劉君距今七十餘年雖川原星堦景物依然而時殊事異其閒戶口之生聚十倍於昔矣俗尚之漸靡亦月異而歲不同矣倘莫為之前雖美弗彰幸際國家同文之休而英猷因陋就簡誠都人士之羞抑亦守土之責也爾時以諸務未

遑閱明年百度漸舉歲稔時和廣延紳士開局纂修闕略者補之失次者序之後起者續之存疑者辨之簿書之暇詳加考訂視當塗霍邱兩志更有殫厥心者今年春事始告竣余覆覽而讀之竊於此有深念焉英邑界連荆楚爲吳會要區土壤多磽瘠萬山環之兩河縈繞數十里以險隘不通舟楫夏秋霖潦水湧沙淤民生易蹙其士人讀書務學未必遠遜他邑而科第仕宦寥寥如晨星其故安在昔趙廣漢爲潁川設師館各告訐使強族相警雖發奸摘伏如神而民俗固益敗矣韓延壽乃始教以文學禮讓遵制謹度黃霸因其迹而大治則民風何常在長吏之轉移化導何如耳海不敏夙夜黽勉懼忝厥職期上副

英山縣志

卷之首

序

舊序

十八

聖天子壽考作人之化用慰各憲欽承樂育之心而未之有逮繼自今願與邑之學士耆老共相砥礪習俗之善者世守而勿替敝者去故而更新恬嬉在野師濟盈朝後有作者視余今日所志有其過之無不及焉是則余之所厚望也夫

英山縣志序

清乾隆丙子

英山方

超

自古忠臣孝子悌弟烈婦其志節卓然不做於天壤者好學深思之士懼其湮沒而不彰或爲傳誌以紀載其事所以爲後世鏡者深遠矣志之作也將以備輪軒之採成一代之書以信今而傳後其視文人成一家之言者關係尤重也英邑僻介吳楚崇山峻嶺四方賓客之所不至故其民生不見外事而習尚純

樸余自癸酉司鐸是邑覽其山川人物意必有奇偉卓越之士可以不朽者稽舊志所載則略而不詳蓋英自有明以來屢遭兵燹文獻無徵不足異也我國家重熙累洽生聚教訓夫斯民者百有餘年矣甲戌六月適錢塘張父臺撫蒞茲土不匝歲政和人泱簿書之暇慨然念英志殘闕而復修之辨正舊史得失延訪故老傳聞其發潛德之幽光者必信而有徵而虛構疑似者不與焉他若天文地理以及人物風土之所宜雖小必陳而考證尤詳蓋自是而英之忠臣孝子悌弟節婦磨滅而無稱者悉著而博物君子於名物象數之繁亦得所據以折衷則公之所以黼黻皇猷爲邦家之光者豈區區一邑盛事哉余也廁校

英山縣志

卷之首

序

舊序

十九

讐之列樂覩斯志告成愧無以助高深於萬一因叙其顛末俾後之作志者式焉

英山縣志序

清乾隆丙子

英山李治隆

國家文治之洽久道斯成方隅明備之修循良是賴英邑當吳楚之要衝奇峰秀巘登翠盤旋東澗西溪雙流曲抱其地僻故其風淳其民樸故其俗簡余自壬申秉鐸來英每覽其風景川原竊冀其開名勝之紀述先哲之流芳必卓然有可觀者乃進稽邑乘殘編斷簡撫卷惘然雖事多可紀不過都人士口傳耳授每懼其浸久漸遠有美弗彰良可惜也甲戌錢塘張老父臺來蒞茲邑釐剔拓清恤農惠士澤宮式煥倉庾充盈不踰年而

康阜歌頌作矣爰因卧治之暇留心志乘重修而釐訂之既詳既要亦精亦嚴以備采風以昭掌故甚盛舉也夫志也者制之存也政之經也昔賈生有言曰使天下回心而嚮道非俗吏所能爲則有趙杜之績者斯能騁馬班之才蓋於茲益信焉先是我公攝篆靈陽澤深桑梓沐厥休嘉年來同官之庇彌切迪誨是役也公總其成余亦忝承分校第自撫荒落懼弗克任書既成因得附志於簡端云

英山縣志原序 清康熙甲子

劉五瓏

嘗讀周禮職方氏掌九有之圖籍天子巡方所至歲采士庶歌謠以周知十五國之風尚竊嘆昔人之爲治道計何深且遠也

英山縣志

卷之

首

序

二十一

嗣後地理志肇自漢史沿及後代郡有書邑有紀上自星躔分野下至山川形勝則壤物產以及人才之升降民物之淳漓紀載詳悉靡不展卷列陳燦若指掌稽前可以示後鑒古有以知今載乘煌煌誠鉅典也余忝膺簡命承乏英邑目擊凋殘情形諸務鞅掌之不暇遑計及於志庚申秋史館承旨纂修明史檄志甚迫因於蝟冗中約畧以應一時之急然而實之無存文安用之頃於政治之暇搜求古志僅得斷簡殘編數冊缺畧失序無可稽考爰謀諸薦紳博士討論舊稿增益時事復不揣固陋謬加參訂授之剞劂雖未敢冀追前蹤往史媲美前烈然使後之人開卷檢閱燦若觀火萃百里於寸眸集往古於方幅稽其

事以考其人未必無小補焉若夫荒畧寡聞蒐羅未備尙須黼藻潤色闡揚盛軌俾後之人觀覽靡遺華實並茂用以垂百世之愷信昭一代之大典余識疎且陋非史材不敢居也是不能無望於後之君子

補修英山縣志序 道光癸未

原任 諾穆圖 長白

予供京職十數年知外官之好而不知外官之難知京官之苦而又知京官之易也京官俸米無多不濟於用勢不能不有所假貸而供職有期日值下班之時出海岱門東看架松由西直門出遊長春觀釣魚臺携酒一瓶跌坐長松下怡然自樂日暮忘返不知官之難爲也官之難爲者惟外州縣耳予初銓選英

英山縣志

卷之

首

序

一一

邑戚友輩皆道此缺之好而愛上手之累不得不代爲擔夯加以自己身上百孔千瘡無病不發上下食指千時形拮据蓋至是而始知外官之難也如是者數年猶喜地僻民醜安予之拙也而縉紳之士投契者多屢謀及地方公事若武廟文昌宮火神東嶽等祠宇與本衙署倉庫等工漸次就理煥然一新雖非一木之支而實官民相安有以致之其所未及理者有二事焉一曰邑志一曰奎星閣邑志之宜修也久矣而予雖山入股出身而纂輯未曾經手不肯輕舉又素不諳地理不知奎星閣之得地與否二者因而仍之不以此爲病而人亦不以此病予也今春萬彈峯司馬來攝茲邑勤勤然以此二事爲急以邑之餘

力補修學宮蓋彈峰知堪輿而又屢修志乘故邑人大倚賴之
 雖卸篆之後猶相與留之則歲此二事而後已然而彈峯雖卸
 篆固仍然州司馬也予去卸篆仍以京職用去難就易固所願
 也而為英令十餘年於今前此為人填坑補缺勉強支持今已
 身亦不能無坑缺而日夕焦思不能奮飛何時復攜酒出都門
 箕踞長松下乎而且喜彈峯能補英邑二事之坑缺也即謂為
 予補英邑之坑缺也可呼奚來浮一大白

英山縣志

卷之

首

序

一一一

六修英山縣志姓名

倡修

任用道尹署英山縣知事調署貴池縣知事

劉鎬

主修

清甲午科舉人五等金質單鶴章署英山縣知事

徐錦

纂修

清進士歷任湖南桃源衡陽善化等縣升補桂陽直隸州署衡

州府事花翎二品銜候補道

胡鑑瑩

清舉人浙江常山縣知縣例升直隸州

王夢球

清五品銜試用訓導

彭庸

英山縣志

卷之

首

新修姓名

一

協修

五品銜附貢生

聞映蘭

清歲貢生孝廉方正山東候補縣丞汪作銳

清廩生孝廉方正獎給二等徽章方幹

清副貢生補用直隸州州判姜元桂

清優廩生段濱

清優附生獎給愛國急公章陳星緯

董理蕭斯

清增貢生獎給愛國急公章

段大梓

清廩貢生

徐廷瑞

段大棟

陳鳳樓

參訂

清廩生安徽優級師範選科畢業生徐念先

王晉康

清附生安徽優級師範選科畢業生胡卓彭

段維楨

清恩貢生

金鴻銘

段大棟

英山縣志

卷之首

新修姓名

二

清附貢生

段棟棠

清恩貢生

金士玉

清附生

沈周翰

採訪

金陶遠

清附貢生

金管先

余永熾

清附生

余品金

余永憲

清附生

余德峻

清附生

聞清海

清附生

聞風怡

清附生

余承祁

清國學生

余秩宗

清附生

葉興芝

清附生

汪海門

清附生

傅用鴻

清附生

傅景松

清附生湖北候選府經歷

汪作鏞

鄭紹康

英山縣志

卷之首

新修姓名

三

清附生

沈辛甲

清附生

沈周煥

清附生

彭燮廷

清附生

彭甲

清附生

舒寬

清附生

段紹干

段雲章

清廩生

王兩彬

王耀祖

清附生

王炳焜

清附生 方植

清附生 段聰

清附生 王樂天

清附生 馬蕃庶

清附生 郭變

清附生 胡考馨

清附生 胡癸漳

清附生 段漢

清附生 王孝旂

清附生 王度

清廩生 翰林院待詔 胡鑑璜

清附生 江西補用州同 胡維彥

清廩生 吳子毅

清廩生 陳良錦

清附生 鄭燦

清附生 胡海鵬

清附生 李名材

清附生 李夢庚

清附生 胡介川

清優附生 湖南試用巡檢 胡蔓樓

英山縣志 卷之首 新修姓名 四

清廩生 胡德棠

清附生 石照雲

清附生 蕭錫璵

清監生 蕭蔚章

清附生 徐鏐臨

清附生 徐際唐

清誥封奉政大夫 張茂潤

清附生 安道鈞

校對 彭用金

英山縣志 卷之首 新修姓名 五

清附生 彭慰昌

清附生 鄧先甲

清附生 吳煥文

清附生 柯愈明

清監生 石海珠

清附生 段大文

清增貢生 陳炳曜

清增貢生 沈周梓

清增貢生 胡耀魁

清增貢生 傅用楫

清優附生

沈端

清廩生

傅爾梅

清附貢生州同銜

金鴻琳

清附生

蕭午宗

黃崇憲

鄭凝之

方厚澤

陳星緯

測繪縣境全圖

測繪城圖

英山縣志

卷之六

六

杜渭濱

膳錄

清太學生

周之翰

督梓

清例貢生

徐仲蘭

王作藩

原修姓氏 清康熙甲子

編纂

劉五瓏 文林郡知縣事

參訂

周藩 教諭 江都人

沈惟芳 豐城縣知縣

重修姓氏 清乾隆丙子

總裁

張海 知縣事 錢塘人

編纂

英山縣志 卷之首 原修姓氏

七

姚之琅 戊午舉人 揀選 知縣 黃陂人

協編

方超 教諭 桐城人

李治隆 訓導 靈璧人

監修

程光濂 例貢生

馬世欽 生員

校訂

金序堯 丁卯舉人 揀選 知縣

鄧玉 候選 訓導

鄧鼎 恩貢生

鄭元圭 歲貢生

傅作樑 歲貢生

胡延煌 歲貢生

鄭一坊 生員

採訪

李世炯生 程明極生 王從龍生 沈書序生 聞兆景生

金序璣生 傅士輝生 鄧大龍生 方衍泌生 段祚譜生

鄭一鳴生 徐大敏生 彭正中生 鄭一增生 傅作法生

馬道法生 龍生 金掄爵生 段祚炳生 彭正南生

胡華璧生 蕭方標生 王繼定生 杜興洪生 彭其河生

督梓

岳其萬生 陳燦文生

補修姓氏清道光癸未

總裁

英山縣志 卷之首 補修姓氏 八

萬年純生 華容人

編纂

陳彥生 趙梅生

諸穆圖生 知縣事長白人

王燮勳生 馬映奎生

余道謙生 余維耀生

監修

余維焯生 王森生 徐允梓生 段荃芳生 聞詩雅生

鄭一樸生 李朝業生 傅以理生 馬際梅生 聞詩雅生

王善焯生 馬際崧生 彭中燕生 方極生

校訂

彭元第生 聞詩禮生 余時杰生 徐元偉生

採訪

余善繼生 段永增生 胡允澍生 王成洋生 吳雲亭生

傅以坤生 裴世啟生 傅以珂生 彭中隱生 姜思楷生

聞詩白生 王治安生 段芳樂生 余維穰生 鄭甲生

李道楷生 聞詩綿生 鄧來勳生 余維煥生 夏瑚生

李朝幹生 王善行生 胡允先生 余時可生 胡奉蔚生

金光業生 段廷芳生 金杰生 胡中樞生 程步雲生

龍耀遠生 杜紹烈生 余維棠生 蕭正增生 余維燻生

英山縣志 卷之首 補修姓氏 九

馬道揆生 沈德本生 方之基生 蕭方濤生 段芳葆生

楊潤生 熊廷標生 徐廣生 沈盛時生 方之灼生

葉時輝生 鄧來洪生 鄭本藻生 鄭木涵生 張明河生

安詩錦生 鄭昌衢生 胡延邦生 汪大觀生 胡大品生

沈盛驥生 段永湧生 劉德華生 舒學元生 段芳蔭生

葉瑞麒生 劉大法生 劉維峻生 金光怡生 金銳生

金鎔生 余潤生 余維盛生 程義禮生 葉時舉生

金鼎生 葉鳳翥生 徐元奇生 胡可炳生 蕭正堉生

傅以超生 傅文冕生 馬純經生 陳思杰生 沈舜卿生

沈盛駿生 彭常照生 張德世生 鄭昌迪生